

Dräume jonn

Musik & Text Björn Heuser / Verlag: HEUSERMUSIK, GMO Publishing

"Nur noch ehne", säät Tom, "un dann müss' mer wirklich jonn,
mer han doch noch jet vüür diss Naach ..."
Der Ovend wor ech schön, mer han uns lang nit mieh jesinn,
jetz es et spät und morie fröh Daach,
Drink der letzte Schluck Wing, un dann jommer heim,
"Alte Liebe" - ich hät nie jedaach, dat dat stimmp...

**Kumm loss mer dräume jonn, die janze Naach wie fröher,
dräume jonn, wer weiß, wat all noch kütt.
Dräume jonn, luur de Sunn schingk ald in et Zimmer,
nur ne Moment, dinge Odem, ding Häng,
bes dat der Alldach uns widder fängk.**

Ärm in Ärm övver de Vringsstrooß, wie lang es dat jetz her,
de Kirch schläät vier Uhr, un verstummt.
Et hätt sich einijes verändert, ob dat sinn muss, wer weiß dat schon,
ich föhl mich wie ne verknallte, kleine Jung...
Ich han ding Nöh su vermess, loss et su blieve, wie et jetz es,
Op die Welt - un uns zwei, un söns nix...